

Na osnovu člana 21. Zakona o raseljenim licima i povratnicima u Federaciji Bosne i Hercegovine i izbjeglicama iz Bosne i Hercegovine („Službene novine Federacije Bosne i Hercegovine“, broj: 15/05), a u cilju podrške demografskom osnaživanju i ostanku mladih u Bosni i Hercegovini, Federalno ministarstvo raseljenih osoba i izbjeglica objavljuje

## **JAVNI POZIV za dodjelu stipendija studentima povratnicima na području države Bosne i Hercegovine za akademsku 2023/2024 godinu**

### **I Predmet javnog poziva**

Predmet javnog poziva je podrška studentima povratnicima dodjelom stipendija za akademsku 2023/2024. godinu.

### **II Cilj javnog poziva**

Podrška studentima povratnicima, demografskom osnaživanju i ostanku mladih u Bosni i Hercegovini.

### **III Pravo učešća – opći kriteriji**

Pravo učešća u javnom pozivu imaju studenti koji ispunjavaju sljedeće uslove:

1. da su članovi povratničkih domaćinstava na području države Bosne i Hercegovine;
2. da imaju prijavljeno prebivalište u opštinama povratka;
3. da studiraju na jednoj od akreditovanih visokoškolskih ustanova u Bosni i Hercegovini;
4. da imaju status redovnog ili redovnog samofinansirajućeg studenta, prvi put upisani na neku od godina studija I ili II ciklusa po Bolonjskom sistemu studiranja odnosno studenti dodiplomskog studija;
5. da nisu stariji od 30 godina.

### **IV Posebni kriteriji**

Posebni kriteriji nisu obavezni ali će se dodatno bodovati i studenti koji ispunjavaju najmanje jedan poseban kriterij će ostvariti mogućnost na veći iznos stipendije od studenata koji ispunjavaju samo opće kriterije.

Posebni kriteriji su:

- a) Ako student pripada kategoriji manjiskih povratnika;
- b) Ako student studira na jednom od fakulteta i smjerova koja spadaju u deficitarna zanimanja prema podacima Agencije za rad i zapošljavanje Bosne i Hercegovine;
- c) Ako je student u braku.

### **V Prijava na Javni oglas i dokazi o ispunjavanju općih kriterija**

Prijava aplikanta na javni poziv obavezno sadrži sljedeće dokumente:

1. Čitko popunjen i potpisan obrazac prijave na javni poziv, koji je dostupan na internet stranici Ministarstva [www.fmroi.gov.ba](http://www.fmroi.gov.ba) ili se može preuzeti lično u prostorijama Ministarstva na adresi Hamdije Čemerlića broj 2., Sarajevo;
2. Uvjerenje/potvrda da je aplikant redovan student na akreditovanoj visokoškolskoj ustanovi u Bosni i Hercegovini;
3. Uvjerenje o prebivalištu (Obrazac PBA-3 - CIPS) ne stariji od 30 dana;

4. Izvod iz matične knjige rođenih za aplikanta (rodni list);
5. Ovjerena izjava o zajedničkom domaćinstvu (kućna lista);
6. Uvjerenje/potvrda o ostvarenom povratku izdata od nadležnog organa;
7. Ugovor o otvaranju transakcijskog računa u banci ili potvrda banke, za studenta ili za roditelja

#### **VI Dokazivanje posebnih kriterija**

1. Potvrda visokoškolske ustanove o smjeru na koji je student upisan;
2. Izvod iz matične knjige vjenčanih (vjenčani list).

**Napomena: Sva dokumentacija koja se dostavlja radi dokazivanja općih i posebnih uslova mora biti u originalu ili ovjerenj kopiji.**

#### **VII Način izbora korisnika**

Odabir korisnika po ovom javnom pozivu će vršiti posebna komisija koju imenuje federalni ministar raseljenih osoba i izbjeglica.

Komisija će razmatrati prijave u skladu sa posebnim procedurama u skladu sa odredbama ovog javnog poziva i internim aktima.

Komisija zadržava pravo provjere tačnosti podataka iz prijave na javni poziv, te u slučaju da utvrdi da podaci nisu tačni će predmetnu prijavu odbaciti kao neurednu.

#### **VIII Objavlivanje rang listi korisnika**

Preliminarna i konačna rang lista po ovom javnom pozivu će biti objavljene na internet stranici Federalnog ministarstva raseljenih osoba i izbjeglica [www.fmroi.gov.ba](http://www.fmroi.gov.ba), a obavijest o donošenju odluka i u dnevnom listu u kojem je objavljen ovaj javni poziv.

#### **IX Dostavljanje prijave na javni poziv**

Prijave na ovaj javni poziv se dostavljaju na prijavnom obrascu iz tačke V ovog javnog poziva uz traženu dokumentaciju.

Nepotpune, neuredne i neblagovremene prijave neće biti razmatrane.

Dostavljanje prijave na javni poziv se vrši **lično ili preporučenom poštom na adresu:**

**Federalno ministarstvo raseljenih osoba i izbjeglica  
Hamdije Čemerlića broj 2.  
71000 Sarajevo**

sa naznakom: Prijava na „Javni poziv za dodjelu stipendija studentima povratnicima na području države Bosne i Hercegovine za akademsku 2023/2024 godinu“

Na poleđini koverta obavezno navesti ime podnosioca prijave, tačnu adresu i broj telefona.

**Rok za dostavljanje prijave je 20.12.2023. godine.**

Dodatne informacije u vezi javnog poziva se mogu dobiti putem telefona: 033/294-173 ili putem e-maila: [kabinet@fmroi.gov.ba](mailto:kabinet@fmroi.gov.ba)

**MINISTAR**  
Nerin Dizdar

Broj: 05-32-5-1926-1/23  
Sarajevo, 28.11.2023. godine